

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/ KANTON SREDIŠNJA BOSNA  
KANTONALNI SUD U NOVOM TRAVNIKU

Broj: 46 0 K 099717 24 Kžk  
Novi Travnik, 26.11.2024. godine

U IME FEDERACIJE BOSNE I HERCEGOVINE!

Kantonalni sud u Novom Travniku u vijeću sastavljenom od sudija Darmina Avdić kao predsjednika vijeća, te Vesne Vujica i Lazarele Porić kao članova vijeća, uz sudjelovanje zapisničara Lidije Kolak, u krivičnom predmetu protiv optuženog M. O., zbog krivičnog djela Šumske krađe iz člana 316. stav 1. Krivičnog zakona Federacije Bosne i Hercegovine, postupajući po optužnici Kantonalnog tužilaštva Travnik broj: T06 0 KT 0027678 20 od 16.10.2020. godine, nakon održanog pretresa pred apelacionim vijećem u prisustvu optuženog, njegovog branioca Hajrudina Pokvić, advokata iz Bugojna i kantonalne tužiteljice Milice Đotlo, dana 26.11.2024. godine donio je i u odsustvu uredno obaviještenih stranaka i branioca optuženog, javno objavio slijedeću:

PRESUDU

Optuženi M. O. zv. „G.“ sin Dž. i majke H. djev. G., rođen .... godine u mjestu B., općina Gornji Vakuf - Uskoplje, nastanjen u naselju Š. bb, općina B., po narodnosti Bošnjak, državljanin BiH, JMB: ..., pismen sa završenom osnovnom školom, po zanimanju radnik, zaposlen u poduzeće „K. k.“ d.o.o. B. sa prosječnom mjesečnom plaćom od 1.200,00 KM, neoženjen, bez djece, vojsku služio u ratu, vodi se u VE G.V. – U., bez čina, srednjeg imovnog stanja, ranije neosuđivan, ne vodi se drugi krivični postupak,

KRIV JE

što je:

dana 20.08.2019. godine, u državnoj šumi, u odjelu broj .., G.J. B., na lokalitetu R.-B., na području općine Gornji Vakuf - Uskoplje kojom gazduje ŠPD/ŠGD d.o.o. Donji Vakuf, O.J. šumarija Gornji Vakuf - Uskoplje, radi krađe oborio 13 stabala bukve prečnika na panju 30, 20, 30, 24, 24, 30, 22, 28, 20, 26, 24, 20 i 20 cm, ukupne drvne mase 2,74 kubna metra, čime je pričinio štetu ŠPD/ŠGD d.o.o. Donji Vakuf, O.J. šumariji Gornji Vakuf - Uskoplje u iznos od 377,46 KM,

čime je počinio krivično djelo Šumska krađa iz člana 316. stav 1. Krivičnog zakona Federacije BiH,

pa mu sud primjenom navedenog propisa, kao i člana 62. stav 1, stav 2. i stav 3. istog zakona, izriče

#### UVJETNU OSUDU

kojom se optuženom M. O. utvrđuje kazna zatvora u trajanju od 3 (tri) mjeseca i istovremeno određuje da se ta kazna neće izvršiti ukoliko optuženi u roku od 1 (jedne) godine po pravosnažnosti presude ne počini novo krivično djelo.

Na osnovu člana 202. stav 1. Zakona o krivičnom postupku Federacije BiH optuženi se obavezuje da na ime troškova krivičnog postupka plati paušal u iznosu od 200,00 (dvijestotine) KM u roku od 30 dana od dana pravosnažnosti ove presude.

Na osnovu člana 212. stav 3. Zakona o krivičnom postupku Federacije BiH oštećenom ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf se u cijelosti dosuđuje postavljeni imovinskopravni zahtjev u iznosu od 377,46 KM (tristotinesedamdesetsedam konvertibilnih maraka i četrdesetšest pfeninga) .

Zapisničar  
Lidija Kolak

Predsjednik vijeća  
Darmin Avdić